

Ekskluzive

Ekskluzive | Ky është 19-vjeçari që u ndal pranë Kompleksit “Adem Jashari” – 9 gëzhoja në Audi çuan Policinë deri te bastisja e shtëpisë



Sinjali.com

25 Gusht 2026 14:26



Një kontroll policor në orët e hershme të mëngjesit në Prekaz të Poshtëm të Skenderajt, në afërsi të Kompleksit Memorial “Adem Jashari”, ka përfunduar me shoqërimin e disa personave në stacion dhe bastisjen e shtëpisë së një 19-vjeçari, raporton ekskluzivisht Sinjali.

Burimet e Sinjalit bëjnë me dije se i dyshuari është Elionit Buzhala, rreth 19-vjeçar, ndaj të cilit është iniciuar rast për posedim të paautorizuar të armëve.



Lexo edhe

Policia ndal disa persona pranë Kompleksit “Adem Jashari” në Prekaz – në Audi gjen 9 gëzhoja, bastiset shtëpia e 19-



Gjithçka nisi rreth orës 03:45 të 25 gushtit, kur një patrullë policore që po kalonte nëpër Lagjen Jashari, pranë Kompleksit Memorial, vërejti disa persona të ulur aty afër.

Zyrtarët policorë vendosën t’i verifikojnë dhe t’i kontrollojnë. Te personat nuk u gjet asgjë e dyshimtë, por kontrolli nuk përfundoi me kaq.

Policët kontrolluan edhe një Audi të zi me targa të huaja që lidhej me personat e ndaluar.

Pikërisht aty u bë gjetja që e ndryshoi rrjedhën e kontrollit.

Në derën e pasagjerit u gjetën nëntë gëzhoja të kalibrit 9 mm, të cilat sipas të dhënave policore dyshohet se i përkisnin një pistolete me gaz.

Gëzhojat u sekuestruan, ndërsa personat u shoqëruan në Stacionin Policor në Skenderaj për intervistim.

Pas përfshirjes së hetuesve dhe konsultimit me Prokurorin kujdestar, hetimi u zhvendos edhe në shtëpinë e Buzhalës.

Me urdhër të Prokurorit, Policia kreu bastisjen e shtëpisë së 19-vjeçarit, por gjatë kontrollit nuk u gjet ndonjë send tjetër i dyshimtë.

Rasti është iniciuar për veprën “Mbajtje në pronësi, kontroll ose posedim të paautorizuar të armëve”.

Pas intervistimit, Buzhala është liruar në procedurë të rregullt, ndërsa rasti do të vazhdojë të trajtohet nga organet kompetente.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukurri dhe kujdes
Të tjera

OP-ED

Analizë
Kolumne
Intervistë

Jetë

Fitnes
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera